

武備志

兵制

師旅考上下

蓋聞兵可百年不用不可一日不講古者寓兵於農兵與民合而為一自井田廢阡陌開徭役興召募起兵與民始分為二竭天下之財賦半耗於行伍而卒至驕墮成風臨事不能收其效此有心人歎古制之不可復而有去之之說也爰及漢唐晉宋元明諸代一變而為南北郡國之軍再變而為郡廂五衛之萬戶之軍三變而為京營衛所邊防之軍居中重馭輕相維相繫均足以安內而攘外

其立法非不善而唐之府兵尤為近古乃法積久而弊生愈失愈救愈失其流弊有不可勝言者我

朝騎射開基武功赫濯震今鑠古而於兵制為尤詳內而八旗禁旅拱衛神京外而協鎮參游聯絡聲氣加以各省之駐防沿邊之戍守勁旅雄師列營相望一統寰區隱然星羅碁佈布奠

國家於盤石苞桑故二百年來安居樂業真有垂老不見干戈者蓋法制之善美曠古莫及也乃承平

日久武備廢弛委靡不振享無事之福則有餘膺
多事之秋則不足一旦群盜興起非亡則虜以至
流毒蔓延莫可抗禦吁良可慨矣斯時也當賊勢
方張幾謂莫予毒矣而抑知忠義奮發之士卒至
自田間而興為田園廬塚父母妻孥身家性命計
或鄉自為團人自為伍乘時投袂冒矢捐軀與賊
相持竟使危而復安轉禍為福以仰副累朝休養
作息之恩嗟乎野人猶知赴義婦女亦解從戎矧
平日乘肥馬衣輕裘白玉橫腰黃金肘後坐享厚
糈食其祿而不思忠其事乎吾安得不於將率卒

伍望之於是乎作武備志竹虛

武備志

兵制

平彝之有衛也始於明洪武二十三年因土蠻阿資
叛服不常與越州衛並置正德二年調曲靖衛之中
右所益平彝衛為右所以衛原部為左所設指揮使
與僉事指揮正副千百戶鎮撫等官領之所有十五
伍有七旗千戶管所百戶管伍總旗付之旗置小旗
一人共軍七百有奇以三分馬步守城七分屯田輸
餉官軍皆世襲嘉靖二十五年改設霑平守備萬曆
十六年以臨元參將兼霑平守備天啟二年三月改

守備為遊擊

國朝順治十六年省衛所世襲等官易守備為千總十
七年改設平彝汛由由尋武霑鎮委千總或把總
一員帶兵一百二十名駐多羅舖防守康熙二十年
移汛入城滇南勝境以百總一員帶兵五十名分防
額兵屢裁至光緒二年存兵七十名三年三月奉裁
伍成又經裁汰只存兵二十四名光緒二十九年概
行裁撤官兵俱無

附亦佐縣汛 明無考

國朝順治十七年設田廣羅協委千總或把總一員
帶兵一百名防守康熙三十五年四月改隸曲尋
武甯鎮七月以土舍沙維屏沙鼎臣錐殺移黃泥
河改亦佐為大塘分兵二十名以百總一員守之
額兵屢裁光緒二年僅存外委一員帶兵數名駐
防三月裁撤現在無存

師旅考上

將軍莊躋漢書謂莊王後裔幼為盜更弗治楚頃襄
王使將兵畧定巴黔以西地溯沅水伐夜郎軍至且
蘭極船於岸而步戰遂至滇池以兵威定旁肥饒地
千餘里屬楚欲歸報會秦擊奪楚巴黔中地道塞還
滇變服王之支黨雄長相傳數百年
漢建元六年大行王恢擊東越殺王郢以報恢
因兵威使番陽令唐蒙風曉南越食蒙蜀蒟醬
蒙問所從來曰道西北牂牁歸至長安問蜀賈人
賈人曰獨蜀出蒟醬蒙多竊奸出市夜郎夜郎者臨

牂牁江江廣百餘步足以行船南越以財物役屬之
然亦不能臣也蒙因上書曰以漢之強巴蜀之饒通
夜郎置吏可得精兵十萬浮江而下制南越奇策也
上許之拜蒙為中郎將將兵千人食數倍之從巴蜀
作閔人見夜郎侯多同喻以威德約為置吏聽之乃
以為犍為郡蒙發巴蜀卒治道自犍道指牂牁元鼎
六年南越反上使馳義侯因犍為發南彝兵浮江而
下且蘭君恐遠行與其眾反隔滇道中郎將鄣昌衛
廣亦奉詔會擊時南越就平即兵誅且蘭與隔滇道
者夜郎侯恐入朝上以為夜郎王昭帝始元元年夏

益州廉頭姑繒反殺長史牂牁談指同並等二十四
縣皆反帝遣水衡都尉呂~~破~~破胡將三萬人募吏民
並發蜀郡犍為奔命萬餘人擊牂牁大破之
蜀漢章武元年庾降都督鄧方卒先主以李恢南中
人問誰可代者恢曰人之才能各有短長孔子曰使
人也器之也且明主在上臣下盡情是以先零之役
趙克國曰莫如老臣竊不自揆陛下察之先主笑
曰孤之意在卿也遂以恢為庾降都督使持節領交
州牧任平夷後主建興三年丞相亮南征恢向益州
按道向建寧諸縣大相糾合圍軍於昆明時恢眾少

敵數倍之又未得亮消息給謂南人曰官軍糧盡欲
圖還吾久斥鄉里今不能從此欲還與汝等共謀大
事故推誠以告南人信之圍稍懈恢出其不意奮出
大破之追奔逐北南至盤江東至牂牁與亮聲援相
接南土悉平恢功居多恢前元人即今之潯江府
晉愍帝建興四年平夷太守雷煥殺南廣太守孟桓
帥二郡叛降李雄明帝太寧二年梁水太守鄧亮益
州太守李暹以興古郡叛降李雄三年領南蠻校尉
征南大將軍陶侃表陵零太守尹奉為寧州刺史殺
饒亮李暹降成帝咸寧二年廣州刺史鄧嶽遣督護

王隨擊夜郎新昌太守陶協擊與古並克之由是偏
安江表李氏據蜀馬氏據楚或東或西迄無定局亦
無從而過問嬰氏以方土大姓乘五代雲擾自為君
長據時柯興古群郡朝廷不得已而授之迨隋文帝
一統區宇南甯美嬰翫遣使朝貢尋以叛誅諸子沒
奴

唐高祖武德四年諸夷內附即其部落列為郡縣聲
教所暨貢賦不入統於邊州都督七年命韋仁壽檢
校南甯州都督寄治越雋將兵循西洱河開地置縣
各官其豪帥而隸於戎州都督元宗開二十六年南

詔利邊臣求合六詔為一誤可之大寶九年南詔借
忿私仇發兵反官軍兩次失利前後共死二十萬人
瘴厲飢傷各半雲南盡沒於蠻南詔僭稱大理為蒙
氏縣治入大理

宋太祖乾德三年武忠節度使王斌平蜀欲以兵威
取雲南進滇池圖太祖鑒唐之禍因以王斧畫大渡
河田此外非吾有也遂世為段氏所據三百年不通
聲教太祖一言基之也

元世祖宋濤祐十二年擊大理寶祐元年由中道渡
金沙江進薄大理城擄其王段智興分兵取副都鄯

善野合烈入曲請諸夷內附段氏云己四年元設摩
彌部萬戶於南賓州所以立傾宗之基也

明太祖洪武十四年命顯川侯傅友德永昌侯藍玉
西平侯沐英副之率大軍征雲南由辰沅入貴州達
普定普安諸夷望風歸順十二月入滇沐英駐軍平
夷定南山敗元兵於白石江遂平曲靖友德分沐英
擊越州龍海諸寨雲南悉平傅友德復命班師沐英
留鎮二十一年復命顯國公傅友德等統番漢大軍
征雲南未靖蠻寇九月討越州叛酋阿資於普安置
越州平彝二衛以鎮之二十四年阿資復叛平羌將

軍何福降之二十八年阿資又叛西平侯沐率何福
討誅之及同惡二百餘人改土入流憲宗大啟二年
二月霑益夷婦設科叛陷平彝城指揮僉事曹三捷
李天植死之三月巡撫沈煥灼便宜起用故參將袁
善討霑益諸蠻四月參將尹啟易守備李嘉培周嘉
映等討叛氏於霑益敗績嘉培嘉映死之七月亦佐
巢安京營營長安應龍作亂合霑益蠻補鮓陷亦佐
城逐知巢封存章封府庫僭縣事存章走廣西九月
補鮓應龍阿九圍羅平城不克而去應龍與阿九分
據亦佐之上下五營三年四月補鮓等招誘亂民三

圍羅平城官軍大集七越月而解乘勝擊補鮐安應
龍於亦佐覆應龍巢二應龍走善安參將施翰追及
之斬三百餘級賊從安氏三隴應麒及應龍妻子
而還勒石除羅平苛政七十二條應龍奔烏撒參將
袁喜收復平彝白水城堡招集流亡十一月兵備參
議王英考將尹啟易計禽設科李賢誅之十二月安
効良且文乞降巡撫洪學貴以獻補鮐應龍貫罪四
年縛應龍及貴州烏撒衛經歷司各印信使目把何
與先保和正獻於曲靖道王謨謨以事蘇應龍故得
勞之遣還殺二使於曲靖城外三月水蘭烏密三道

合數萬窺密益敗走之懷宗崇禎二年黔國公沐天
波巡撫王伉巡按甘學潤詣曲靖討安効良設科餘
群鷄世昌平之

世祖章皇帝順治三年丙戌密益土酋雞世昌子贊
統冒稱為亦佐土縣丞沙氏裔附宗沙定洲逐沙承
統母子奪知縣年道顯篆徵右賦稅理民事簿書悉
出其門道顯繪虛篆聽命而已四年丁亥三月流寇
孫可望李定國等自黔入滇詭稱援師二十五日屠
平彝城五年戊子八月土舍沙贊統以定洲碟於雲
南自度不免飲鴆死子飛熊乘亂復據亦佐十四年

領之上下之職綱紀不紊此治人之法如此
天子祭天地神祇及天下山川王國各府州縣祭境
內山川及祀典神祇庶民祭其先祖及里社土谷之
神上下之禮各有等第此事神之道如此尚念冥亡
之中無祀鬼神者為生民未如何故而歿其間或有
遭兵力而橫傷者有死水火盜賊者有被人取財而
逼死者有被人強奪其妻妾而死者有遭刑禍而負
屈死者有天災流行而疫死者有為猛獸毒蟲所害
者有為飢餓凍死者有戰鬪而殞身者有因危急而
自縊者有因墻屋頽頽而壓死者有死後無子孫者

此等鬼魂或終於前代或歿於近世或兵戈擾攘流
徙於他鄉或人烟斷絕久缺於祭祀姓名沒泯於一
時祀典無聞而不載此等孤魂死無所依精魄未散
結為陰靈或依草附木或作為妖怪悲號於星月之
下呻吟於風雨之時凡遇人間令節心思陽世魂香
杳以無歸身墜沉淪意懸懸而望祭興言及此憐其
慘悽故教天下有司依時享祭在京都府有泰厲之祭
王國有國厲之祭府州有郡厲之祭各縣有邑厲之
祭一里有鄉厲之祭期於神依人而血食人敬神而
知禮仍命本處城隍以主此祭欽奉如此今某等不

敢有違謹設壇於城北以三月清明七月十五十月十日置備牲醴羹飯專祭本縣闔境無祀神鬼等眾靈其不昧來享此祭凡我一縣境內人民倘有忤逆不孝不敬六親者有姦盜詐偽不畏公法者有拘曲作直欺壓良善者有躲避差徭藉捐貧戶者以此頑惡奸邪不良之徒神必報之於城隍發露此事使遭官府輕則笞杖決斷不得號為良民重則徒流絞斬不得生還鄉里若事未發露必遭陰譴使舉家並染瘟疫六畜田蠶不利如有孝順父母和睦親族畏懼官府遵守禮法不作非為良善正直之人神必達之

城隍陰加護佑使其家道安和農事順序父母妻子保守鄉里我等闔縣官吏人等如有上欺朝廷下枉良善貪財作弊蠹政害民者靈必無欺私一體昭報如此則鬼神有鑒察之明官府非諂諛之祭尚享祀典

啟聖宮 先聖 先賢 先儒 文昌 魁星閣
名宦 鄉賢 孝忠 節烈 武廟

以上用大牢少牢春秋二仲上丁日祭惟文昌二月定初三秋八月擇日照奉文期武廟亦同並有中祭在五月十三

社稷壇在城北春秋仲月上戊日以少牢祭
風雲雷雨山川在城南三主合為一壇以春秋二仲

上戊日少牢祭

厲祭壇在城西每歲仲春以清明七月以十五十月

以十日祭無祀鬼神用少牢羹飯

先農壇在城東以正月布種日致祭用少牢各一

蓋忠祠今改為昭忠祠在武廟側

李定國因白文選敗可望於三岔十二月大師三路
取滇會於曲靖十六年亦佐土縣海潤歸附十八年
沙飛熊謀逆事覺總督趙廷臣捕逮瘦死
康熙十二年吳三桂叛十七年亦佐偽令龍元熹以
安邊豐約二營賄給沙飛熊從子鼎臣二十二年大
師入滇秋毫無犯所至反正亦佐阿江營火頭履魯
機子維屏冒稱為沙普元苗裔攘鼎臣安邊豐約踞
之三十四年十二月沙鼎臣殺維屏於沙營盡奪其
地三十五年黔禮申信訟沙鼎臣於官勾致杖斃
二夷家口逐出境外豐約安邊二營仍歸流蓋維屏

申信壻也

嘉慶二年南籠苗變軍擾平壤之下十營燒殺搶虜
到處皆墟幸至竹箐坡一字河天生橋塊澤河諸處
堵截斯役也撫軍江蘭駐曲靖由尋協各將士皆進
堵時知縣王子音籌辦軍需奔走行間多有有力焉

按自莊躋朔沅水軍自蘭極船於岸而步戰降夜即
以入滇必取徑盤江道出普安平彝為滇黔踵要橫
亘三百餘里入滇必由之路古今稱謂雖殊山川不
改當無不被兵者此平彝見師旅之始厥後累代用
兵如唐蒙之通夜即從巴蜀筰關入在今之川黔地
於邑無涉且未動眾史無明文諸葛武侯南征由水
陸入越雋渡瀘水至永昌皆遠在滇西未便曲為附
會惟李恢之轉戰盤中關索之道出永寧以意揣之
東西用兵縣治豈能獨完降及唐宗蒙段玠據東爨
西爨迭相雄長邑雷用武羣雄必爭惜無從徵耳元

世祖兵渡金沙野合烈東道曲請聲教始通置曲請
普安路邑雷適中兵戈劫火在所不免明太祖兩詔
大將軍傅友德入滇征討留西平侯沐英世鎮雲南
而海酋阿省叛服不常五次用兵始克誅夷均在縣
地既而天啟中設科夷婦營長安應龍阿九諸逆作
亂劫殺擄抄擄有不可甚言者矣最可惡者流賊孫
可望等自黔竄滇戮屠人民視同草菅沿途一帶連
日遭害而文水平彝曲請更有甚焉舊志牽涉過冗
近於蕪雜茲編明以前師旅經費甚鉅有關縣治者
錄之無涉者削之亦簡不欲畧詳不欲繁取其相

同云爾

國家兩勘滇黔王師到處田疇不驚群逆授首出斯民
於水火而始得安居樂業共慶生成二百餘年深仁
厚澤決隨滄肌修其孝弟忠信真有垂老不見干戈
者矣嘉靖二年南籠^蠻變雖竄入邊境旋即撲滅其
事亦無可記載咸豐中葉滇黔雲擾幾無完土而平
彝一縣壤接十一屬各處小醜乘勢跳梁邑無一人
一士阿附從逆亦足以彰
聖朝涵育馴至之深矣維彼霜屬阿馬狗逆倚賊魁馬
聯升勢恣肆猖獗驚擾我人民站距我城池我邑士

民切剝膚近牀之痛竭忠效命冒矢捐軀卒至傾彼
巢穴復我城池猶能鼓其餘勇東平普安大河鋪華
家屯積年巨寇南距興義六屬大股髮匪不致蔓延
結染杜逆為全滇禍以稽

大討二十年出兵出餉奉詔征誅為諸處先其有勇知
方敵王致愾為何如耶雖曰良有司率作休養之力
賢紳董激勸鼓舞之功然六七王教養深恩流風遺
澤不圖於斯民睹之其致亂之始勘亂之由與夫忠
臣烈士愚夫愚婦殺身成仁舍生取義者凡見聞所
及能不志之以示來者竹虛

武備志

師旅考下

辰丙 咸豐六年六月二十四日雷益州之阿掌冲馬頭山

狗匪作叛

阿掌冲馬頭山乃雷益州屬何為而書也蓋近於平
壤而平壤之受害實深也咸豐中葉全漢雲樓半屬
狗匪阿馬二村約計二百餘戶曷敢稱亂蓋倚尋甸
塘子雷益上五鄉善安大坡鋪華家屯與義之新城
諸賊勢而狡黠者竊陰附之始因岨此小怨恃強橫
行繼以隣村多羅鋪諸惡多少踴躍每逢街期互相

械鬥後以狗匪寶某強搶縣屬腰站漢民王姓已聘
之婦王姓不甘聚眾報復遂至漢狗各護成仇時各
處狗匪蠢動其魁丁長明馬公馬小雙巴小科馬大
黃二黃三黃四黃桂麻六等於六月二十四日竟爾
揭竿起事明目張膽肆行燒殺平城戒嚴

巳丁 七年始召募

時承平日久民不知兵武備空虛莫可抗禦一見白
幟四散奔潰當道者又示姑息遂至决裂莫可收拾
當時之患多壞於此知縣李鳳翬把總何占標集議
始行召募有貴州普安縣白沙地易飛熊率眾應募

將進滇關被賊偵知先於升官坪諸隘設伏攔劫飛
熊之眾十喪三四狼蹠入城越日再戰敗績喪然氣
阻惟閉門坐耗餉費而已

又有普安者夷民安金榜亦率眾來赴所與黃道人
自神其術實不知兵戰於城西礮了口金榜被殺道
人為官逮府繫斃謂其就和而滋事也當道作為如
是時事概可知也

又有臨安沈文學貴州寶石榮等或十數為羣或三
五成隊應募投効各不相下石榮巡城誤責占標兵
柯某兵夥不服占標啣之縱兵辱石榮石榮啣之糾

聚民人陳小妹等三百餘人以投効為名意在入城
與占標為仇占標知之率眾開城免紳耆與石榮小
妹等越日排解暫令住紮西門外小妹等因糧鼓噪
辱罵官紳與城中人為難時值上台有撫和意占標
從且縣官暗遞消息與賊於次日賊眾突至占標開城
石榮小妹等進退無據被賊殺盡殃及無辜生擒小
妹至巢磔死雖小妹等自啟其禍而占標諸人亦不
得辭其責也

迴賊馬双友等接迹延燒大河一帶民兵紮白馬山
營縣善盧始暮送公文與白馬山途次被賊殺

始調鄉勇

把總何占標自擊賊勢日熾客兵難任與縣尊公議

調集鄉勇日加訓練占標固久歷戎行操演有方親

加部署為之鼓其氣壯其膽初試兵於城外茶亭坡

清溪洞礮三日三戰皆捷人心始安

始議捐輸以濟軍需也

午戌 八年七月殺迴賊馬公馬双友等

占標度我軍堪用預設伏於大滴水諸要隘樹偽

幟以混之親自單騎直抵馬頭山賊巢誘之賊素輕

占標懦見我軍寡傾巢進之引至伏處虛晃白旗賊

誤認為伏應不疑我軍橫截前後攻擊賊首尾不顧

盡屠殺賊之精銳得百餘級織其渠魁馬公馬双友

巴小科丁長明等賊風始衰

克馬頭山

越日我軍乘勝直壓賊寨占標相機攻剿賊莫能支

死者過半奔潰阿掌冲馬頭山平

天心營得勝

營在城西七里揚威嶺我軍據以窺敵為傾彼阿掌

冲基也賊悉眾來撲我軍奮勇破之賊喪無算

未巳 九年四月二十二日克阿掌冲

未巳 九年四月二十二日克阿掌冲

我軍既克馬頭山又勝天心營勇氣百倍遂進圍阿
掌冲賊自度不免溺其幼弱作奔逃計我軍四面環
攻破其寨柵誅戮殆盡遺者逃依窟逆馬聯升阿馬
蕩平人民安堵

庚申 十年三月奉調攻普安廳賊

賊屬大坡堡華家屯狗匪猖獗莫制廳人請援於雲
貴總督張亮基亮基以平隣封且龍屢勝之餘檄占
標率邑團勇進剿師次亦資孔天保山屢戰皆捷
十月十日克華家屯斬賊首張志祥賊走大坡堡
十一月十八日克大坡堡

西辛

賊首張凌翔等以積年老寇視州人自謂莫能予
毒不意我軍悉皆精銳賊屢戰皆北攻破巢穴賊屢
悉潰於新城諸處是役也使州人不作偷安計助其
資糧占標不遇奸人害曾其餘勇率我平人殲彼醜
類夫何至養癰遺患滋蔓難圖致六州百姓不睹天
日者十餘年必待王師大至始克誅夷也

九月羅平散匪侵擾縣屬之阿許等營占標督團丁

遇退

冬占標進攻窟逆馬聯升把總陳永康戰死海子堡
同治元年三月初三日戌時參將何占標被賊戕占

戌壬

標因十一年冬攻靈逆失利欲圖再取即日申刻往
闕聖宮點視團眾以備進攻點次多羅堡丁自董彩
名見其凶惡申前海子堡不力救把總辭詰責之彩
反戈內刺占標撥戰外連將及大門外賊夥自外攔
劫登時斃地蓋由占標疏防親信外出左右無人故
聞之父老賊等豫與馬聯升有謀路人皆知惟占標
素性嚴急而多忌故人不取豫聞致疏於防範而初
害也

占標被戕實部下諸惡及積怨者暗地仇謀特聳董
彩童裸羅諸兒以發其端也曷為而書賊蓋有主使

之傳建邦正邦諸人與馬聯升通殺以應也然亦占
標因勒刻兵餉以自取也易曰我不制彼之命彼且
將剝我之膚也占標有焉小人之可畏也如此可不

慎歟

中秋後十月興義徇逆蔓擾縣地之黃泥河下五營
等處圍總沙懷琳死之輕信赴和故也

大股髮匪石達開自廣西竄入貴州晉安由勝境關
繞城東豫順關趨縣北五里池外后所過宣威入川
而潰

亥癸
二年二月二十八日平城失守

時因占標被賊眾心不一莠良雜處雷逆馬聯升站
距曲靖府城姑就撫強握曲歸嚴以興義逆如馬負
圖等撲普安城段解圍名使賊將馬四黃桂經綸等
率賊三百餘名至縣城駐紮東關外索取行糧怡值
漢佃夷之教互相羈縻平城無備逆等豫結土匪張
耀張文運楊萬董裸獼張春榮諸奸為內應天將曉
斷東門鎖入城踞之知縣司馬楠先日公出看驗未
歸越日賊黨四出分擾大河一帶兼困楊德望諸人
於牛鼻洞一時民心忿極久期而會者數千人團營
圍之為復城計賊屢出不利求救於聯升聯升使偽

將軍馬榮率賊十餘來援將近城十餘里天大雨雹
賊衣甲皆濕無復隊伍兼昧路徑我軍沿途截殺負
創入城喪然氣阻又乏糧作遁逃計我軍聞司馬公
遇害攻城愈急賊謀屠城逃走眾姓惶亡城中曉事
者謂城屠亦不可逃不如脅諸父老與外軍講和誓
不傷城中寸草只求讓一生路我軍為保全桑梓計
讓大西門縱賊出馬實於半途伏兵邀截至大滴水
等處賊被我軍屠戮殆盡奪回子女無算餘賊逃依
馬聯升時在四月十五日早事也
十月羅平土匪楊耀陳捷頭等蔓擾縣屬則章營新

甲 三年夏大軍克復曲靖雷益
廠諸處知縣全懋霖督飭團甲於得勝坪遇退

潘司岑毓英由宜良陸涼統大軍攻取曲靖雷益檄
知縣全懋霖東路接應並調邑紳楊德望張北顯陳
發昌等率邑眾由白水關進攻王家堡子猪街子海

子堡諸處克復城池陞陞賞有差

乙 四年冬制軍樊崇光節馬平彝由黔來滇十二月中
至平五年丙寅二月初旬始赴滇

派捐輸釐穀以供軍資解運也

丙 五年邑眾隨潘司岑進剿猪拱箐海馬姑平復

派養練丁以供征調也

丁卯 六年夏始開考

七年秋西逆犯省垣潘司岑檄邑人楊德望陳發昌

張煥等隨帶邑眾赴楊林諸處堵禦與總兵楊玉科

克復嵩明州並解省嚴

五月興義徇逆軍擾縣地下五營知縣任傳綸檄邑

人張北顯率團眾遏堵巴茅河黃泥河等處

冬知縣文鴻盛檄邑人十總銜街楊德溥率邑人力

解普安圍緣興義徇苗合規犯貴州上游困廳城

庚 九年雲南省開科取士巡撫岑調邑人陳發昌率眾

隨征迪西克復雲南縣諸處並調邑人楊依洲張煥
率邑眾隨總兵楊國毅征竹園等處

未^辛十年秋雲貴合剿興義迴逆張定中金阿烘鹽法道
沈壽榕檄邑人防堵供億合邑悉索敵賦以從事焉

壬^申十一年秋興義六屬肅清

乙^亥光緒元年全滇肅清

丙^子二年夏阿掌冲馬頭山狃逆餘孽尚存數十家奉劉
制軍札准其復業惜未深創自是漢狃相安人民樂
業共享昇平同登壽域祝我

國家億萬斯年永遠無疆之休懿欽哉盛矣竹虛

丑丁

光緒三年丁丑三月候補同知李秉堃因案奉檄查
 辦邑人張旭中拒捕傷弁督撫檄鹽法道鍾撫標參
 將葉並調集平羅兩屬團丁匯擒張旭中於普克營
 板橋村解省置法

此案係因仇鬪另有記論可稽可
 否載入尚待商訂



庚子光緒二十六年庚子六月拳匪肇畔八國聯兵
京都失守先期

聖駕西巡

辛二十七年六月議操團練九月加徵團費征

收各山場并斗地鋪冬

旋鑾二十八八年二月始抽收牲稅三月檄調操團練九

月~~初~~初六游匪竄擾興義縣失守十一日攻散十

四日奉文設黃泥河冬防二十九年二月十二日撤

止五月初裁免街場地鋪

午三十二年改團操為警察察設巡警公所今改為保

安警察

宣統元年五月委員來平募充新軍四百餘名赴省

操練彷彿洋操以備外侮